

გაკვეთილი 1

საფარჯიშო 7 (ქალი და კაცი)

- რა კარგი ხილია, რა ღირს თქვენი ხილი?
- რომელი?
- ეს ვაშლი და ფორთოხალი.
- ვაშლი – კილო ორი ლარი; ფორთოხალი – სამი ლარი.
- ერთი კილო ფორთოხალი და სამი კილო ვაშლი მინდა.
- კი, ბატონო.
- მე ორმოცდაათლარიანი მაქვს. ხურდა გაქვთ?
- სხვა ფული არ გაქვთ? მე მხოლოდ ორი ოცლარიანი მაქვს.
- სამწუხაროდ, არ მაქვს! მაშინ კიდევ ნახევარი კილო ვაშლიც მომეცით.
- ძალიან კარგი, აი, თქვენი ხილი და ორმოცი ლარი.
- დიდი მადლობა!

საფარჯიშო 14

ნიკის მეგობარი (ქალი)

ნიკს ერთი მეგობარი ჰყავს, მას მარკო ჰქვია. მარკო იტალიელია. მისი დედ-მამა და და-ძმა იტალიაში, ფლორენციაში, ცხოვრობენ. ახლა კი მარკო ამერიკაში, ჩიკაგოს უნივერსიტეტში, სწავლობს. მარკო მალე უერთნალისტი იქნება. ის იტალიაში ტელევიზიაში მუშაობდა. მარკოს ძალიან მოსწონს უნივერსიტეტი, სტუდენტური ცხოვრება. საღამოს ისიც იტალიურ კაფეში მუშაობს. ამ კაფეში ერთი დღე ნიკი მუშაობს, მეორე დღეს კი – მარკო. ამ კაფეს მენეჯერი მარკოს ბიძაა. ის ხუთი წელია ამერიკაში ცხოვრობს და ამ კაფეში მუშაობს. ამერიკელებს ძალიან მოსწონთ იტალიური კაფე და იტალიური საჭმელები. ნიკის და მარკოს ბევრი მეგობარი ჰყავთ უნივერსიტეტში და საღამოს ისინი ხშირად მოდიან კაფეში. ორშაბათს, ოთხშაბათს და პარასკევს კაფეში ნიკი მუშაობს. სამშაბათს, ხუთშაბათს და შაბათს კი – მარკო. კვირას ბიჭები ხშირად მიდიან კაფეში, მაგრამ კვირას ისინი კაფეს სტუმრები არიან.

გაკვეთილი 2

საფარჯიშო 8 (ქალი და კაცი)

- რომელი რაიონიდან ხარ?
- ზესტაფონის რაიონიდან ვარ.
- რომელ სოფელში ცხოვრობ?
- ზესტაფონთან ახლოს არის სოფელი სვირი.
- დიდი სოფელია?
- ისე რა. პატარა სოფელი არაა. დიდი სოფელია.
- მთაგორიანი სოფელია?
- კი, მშვენიერი ქართული სოფელია.
- მდინარე არის სოფელში?
- როგორ არ არის. ყვირილა ჰქვია. ყვირილა მთის მდინარეა. ზაფხულში ცივია და ღაღადღარო მდინარეზე. ბავშვები იქ კარგ ღროს ვატარებთ.

– კარგია, მიყვარს სოფელი.

საფარტიშო 12 (გოგო და ბიჭი)

– მთაში ხარ კიდე?

– ჯერ კი, ალბათ ხვალ ვიქნები ქალაქში. შენ?

– მე ზღვაზე ვარ. კარგი ამინდია და მთელი დღე ვცურავ.

– ზღვაზე სად? ბათუმში თუ ურეკში?

– ბათუმში ორი დღე ვიყავი, ახლა ურეკში ვარ ჩემს და-ძმასთან ერთად.

– რამდენი ხანი იქნებით ურეკში?

– მე ორი დღე ვიქნები და ჩემები კიდეც ათი დღე აქ იქნებიან.

– ამინდი როგორია? აქ, მთაში, სულ ნისლიანი და ღრუბლიანი ამინდებია.

– გუშინ წვიმიანი ამინდი იყო, დღეს არა უშავს. ღრუბლიანია, მაგრამ თბილა.

– ზღვაზე იყავი?

– კი, აბა, მთავარია, წვიმა არ იყოს და ზღვა ღრუბლიან ამინდშიც მიყვარს.

– მართალი ხარ, მეც მიყვარს და მეც მინდა თქვენთან.

გაკვეთილი 3

საფარტიშო 8 (ორი გოგო)

– ნატა, შენ ნინოს იცნობ?

– არა, არ ვიცნობ. შენი კლასელია?

– ჰო, ჩემი ახალი კლასელია. იანვრის შემდეგ ჩვენს კლასში სწავლობს.

– მართლა? კარგი გოგოა?

– კი, ძალიან. ზაფხულში ერთად ვისვენებდით ზღვაზე. სახლები გვაქვს ერთ ქუჩაზე.

– შენი ნათესავია?

– არა, ნათესავი არ არის. ჩემი მამიდაშვილების მეგობელია.

– მშვენიერია. ხვალ თეკლას დაბადების დღეზე მოდიხარ?

– კი, მოვალ. ნინოც მოდის. შენც მოდიხარ, არა?

– კი, როგორ არა.

– კარგია, იქ კარგად გაიცნობთ ერთმანეთს.

გაკვეთილი 4

საფარტიშო 8 (ორი კაცი)

– როგორ ხარ? როგორ არიან ოჯახში? მუშაობ?

– არა მიშავს. ოჯახშიც კარგად არიან. მე არ ვმუშაობ, პენსიაზე ვარ, უკვე პენსიონერი ვარ.

– მართლა? უკვე? გაისად მეც პენსიაზე ვიქნები.

– ახლა ნამდვილი ბაბუა ვარ, მე და ლაშა კვირაში სამჯერ ფეხბურთზე დავდივართ და ეს ორივეს ძალიან მოგვწონს.

– ლაშა ახლა რამდენი წლისაა?

– ათის. უკვე დიდი ბიჭია, შავგვრემანი, ძლიერი, კარგი ფეხბურთელია.

– ყოჩაღ, ლაშა! ყოჩაღ, ბაბუ! კარგად სწავლობს?

- ფეხბურთს კარგად თამაშობს და სკოლაშიც შესანიშნავად სწავლობს. დილიდან საღამომდე ერთად ვართ, ერთად ვსწავლობთ და ერთად ვთამაშობთ.
- ოჰ, შენ დაკავებული ხარ მთელი დღე. არ მუშაობ, მაგრამ არც გცალია.
- ჰო, ჩემი სამუშაო ახლა ასეთია.
- კარგია, ესაა ჩვენი ცხოვრება.

გაკვეთილი 5

საფარჯიმო 8 (ქალი და კაცი)

- გამარჯობათ!
- ტურისტული სააგენტო „მზერა“ გისმენთ .
- სტუმარი ჩამოდის ამერიკიდან სამ კვირაში. თბილისში იქნება ათი დღე. სად შეიძლება, რომ წავიდეთ?
- გვაქვს ქალაქის ტური .
- ქალაქის ტურში რა შედის?
- ფეხით გასეირნება ძველ თბილისში და ექსკურსია ქალაქში ავტობუსით.
- ეს ყველაფერი ერთ დღეში?
- არა, ერთი დღე უნდა მხოლოდ ძველ თბილისში ფეხით სეირნობას.
- რა ადგილებს ნახულობენ ტურისტები?
- ძველ თბილისში ნახულობენ აბონოთუბანს, მეიდანს. სეირნობენ შარდენისა და ბამბის რიგის ქუჩებში, ნახულობენ სიონის ეკლესიას, სუვენიერების სალონს, შედიან ხალიჩების მაღაზიაში. შემდეგ მიდიან ვახტანგ გორგასლის ძეგლთან და ისვენებენ იქვე, მეტეხის ეკლესიის ეზოში. მერე ფეხით ადიან ნარიყალას ციხეზე, სეირნობენ ბოტანიკურ ბაღში, სადილობენ იქვე, ქართულ რესტორანში, და გემრიელად მიირთმევენ ქართულ ტრადიციულ კერძებს.
- რა კარგია, მომწონს ასეთი გეგმა. გვინდა თქვენთან ერთად დროის გატარება. რამდენი ხნით ადრე დაგირეკოთ?
- თბილისში როდის იქნება თქვენი სტუმარი?
- მაისის დასაწყისში.
- დარეკეთ აპრილის ბოლოს და ზუსტ დროზე შევთანხმდეთ.
- კი, ბატონო, დიდი მადლობა საინტერესო ინფორმაციისთვის. შევთანხმდით.
- გმადლობთ ზარისთვის!

გაკვეთილი 6

საფარჯიმო 8 (კაცი)

ნინი კვირის დღეებში ადრე იღვიძებს, დგება და რვა საათზე უკვე აბაზანაშია. რამდენიმე წუთის განმავლობაში შხაპს იღებს, კბილებს იხეხავს, თმას ივარცხნის. ის იცვამს, მაკიაჟს იკეთებს, შემდეგ დედასთან ერთად ყავას სვამს, საუზმობს და დღის გეგმაზე საუბრობენ. რამდენიმე წუთის შემდეგ ისინი ერთად გადიან სახლიდან.

ნინი დედასთან ერთად მიდის მანქანით უნივერსიტეტამდე, შედის ლექციებზე, ჩადის ბიბლიოთეკაში, ეზოში, შესვენებაზე ადის უნივერსიტეტის კაფეში და იქ საუზმობს მეგობრებთან

ერთად. ლექციების შემდეგ ხან ცეკვაზე მიდის, ხან ცურვაზე. სალამოს დედასთან ერთად მიდის სახლში.

სამზარეულოში დედა და შვილი ერთად სადილობენ, მერე ტელევიზორს უყურებენ და საუბრობენ დღის ამბების შესახებ. ნინის დედა ადრე იძინებს და ადრეც დგება. ნინი კი სალამოს, გვიან, კითხულობს, წერს და მეცადინეობს. მას უყვარს ღამე მეცადინეობა.

შეამოწმეთ თქვენი ცოდნა

საფარჯიმო 6 (მონაცვლეობით ქალი და კაცი)

საქართველო ლამაზი და მთაგორიანი ქვეყანაა.

მაღლე ნათიას დაბადების დღე იქნება.

სამზარეულოს გვერდით დიდი სააბაზანოა.

ელენე პატარაა და ცოტა ხნის წინ დაიწყო ლაპარაკი.

ხშირად დავდივართ კაფეში, ხან ყავას და ხან ჩაის ვსვამთ.

სამსახურიდან ცურვაზე ფეხით ხუთ წუთში მივდივარ.

სალამოს მთელი ოჯახი ტელევიზორთან ატარებს.

მე და დედას ძალიან გვიყვარს ხელოვნება და ახლაც გამოფენაზე მივდივართ.

რუსთაველის გამზირი თბილისის მთავარი ქუჩაა.

საქართველოს დასავლეთით შავი ზღვაა.

გაკვეთილი 7

საფარჯიმო 8 (ქალი და კაცი)

– სახლში არაფერი არ გვაქვს. ან ბაზარში წავიდეთ, ან სუპერმარკეტში.

– ბევრი რამე გინდა იყიდო?

– კი, ბევრი რამე მინდა. არც ბოსტნეული არ გვაქვს და არც ხილი.

– დრო არ მაქვს და, ბაზარში არა და სუპერმარკეტში წავიდეთ.

– კარგი, სუპერმარკეტში წავიდეთ, იქ ყველაფერია.

– ხორცი გუშინ ვიყიდე. რას გააკეთებ? რა ვიყიდოთ სტუმრებისთვის? შაბათს ჩვენთან ნათიას ინგლისელი მეგობარი კაროლინა მოდის.

– მართლა? მაშინ სალათის მასალა ვიყიდოთ, მე სალათებს გავაკეთებ, მწვადს შენ შეწვავ; ხაჭაპური და ლობიანი სახაჭაპურეში შევუკვეთოთ. ხილიც ვიყიდოთ და სადილისთვის საკმარისია.

– მშვენიერია, ნამცხვარი და ხილი იქნება ჩვენი დესერტი. სახლში ყავა ან ჩაი გვაქვს?

– კი, კარგი ყავა მაქვს და ქართული შავი ჩაი „გურიელი“.

– კეთილი. წავედით სუპერმარკეტში. ხუთ წუთში გავიდეთ.

– ახლავე, მოვდივარ, ორ წუთში მზად ვიქნები.

– კარგი.

გაკვეთილი 8

საფარჯიმო 8 (კაცი და ქალი)

– ბოდიში, ჩემი ინტერნეტბანკი არ მუშაობს.

– რატომ? ახლავე ვნახავ. თქვენი პირადობის მონმობა, თუ შეიძლება!

- ინებეთ.
- აქ ყველაფერი კარგადაა. შეიძლება თქვენს ინტერნეტს ჰქონდა პრობლემა.
- ალბათ, ახლა აქ შეიძლება გაზის და სინათლის ფული გადავიხადო?
- დიახ, რა თქმა უნდა.
- აბონენტის ნომერი?
- 47 85 963.
- თქვენს ანგარიშზე 120 ლარია.
- ეს გაზის ფულია, შვილო?
- დიახ.
- ნახეთ, ტელეფონის და სინათლის ფული რამდენია?
- ტელეფონის – 57 ლარი, სინათლის – 93 ლარი.
- სულ 270 ლარი?
- დიახ, სულ 270 ლარია ყველაფერი: სინათლე, გაზი და ტელეფონი.
- ინებეთ ფული!
- აქ მოაწერეთ ხელი.

გაკვეთილი 9

სავარჯიშო 8 (ორი გოგო)

- როგორ ხარ, ყელი ისევ გტკივა?
- ცოტა კიდევ მტკივა, მაგრამ არ მახველებს.
- სიცხე გაქვს?
- სიცხე 37, 5 მაქვს. მაღალი სიცხე არაა.
- სიცხე არაა მაღალი, მაგრამ სამი დღეა დაბალი სიცხე გაქვს და ექიმს უნდა დავურეკოთ.
- ფილტვების პრობლემა არ იყოს. დაბალი სიცხე უფრო ცუდია.
- არ მინდა ექიმი, წამლებს ვსვამ და ხვალ კარგად ვიქნები.
- კარგი, ვნახოთ, დღეს საღამოს როგორ იქნები და ხვალ დილით ექიმთან დავრეკავ.
- თავი გტკივა?
- არა, თავი არ მტკივა, ცოტა მუცელი მტკივა.
- მუცელი რატომ გტკივა? საჭმელი ჭამე?
- კი, ვჭამე.
- აქ არის ვიტამინები. სვამ?
- კი, კი, ვსვამ, წამლებსაც და ვიტამინებსაც.
- ვიტამინებს რამდენჯერ სვამ? დღეში ერთხელ თუ ორჯერ?
- წამლებს დღეში სამჯერ ვსვამ, ვიტამინებს – დღეში ერთხელ, დილას, ჭამის შემდეგ.
- კარგია. ხვალ თუ ისევ ავად იქნები, ექიმთან დავრეკოთ და კლინიკაში წავიდეთ.
- კარგი.

გაკვეთილი 10

სავარჯიშო 8 (ქალი და კაცი)

- ეს ტახტი და სავარძლები რა ღირს?
- ერთად ათას ოთხასი ლარი.

- სადაურია?
- ჩეხურია. ძალიან რბილი და სასიამოვნო ავეჯია.
- კარგია, ადრე ვნახე თქვენთან ლამაზი სავარძ-ლები, მაგრამ მაგარი იყო და ამიტომ არ ვიყიდე.
- დაბრძანდით, ნახეთ, ძალიან რბილი, კომფორტული და სასიამოვნო ავეჯია.
- კი, მომწონს. სხვა ფერი გაქვთ?
- თქვენ რა ფერი გინდათ?
- ყავისფერი მომწონს, მაგრამ ნაცრისფერიც შეიძლება. ეს ღია ფერია, მე მუქი მინდა.
- მუქი ფერი ახლა არ გვაქვს, ეს არის ბოლო, მეტი არ გვაქვს, მაგრამ ახალი ავეჯი ჩამოვა ერთ კვირაში.
- მაშინ ერთ კვირაში მოვალ. აქ ვარდისფერი საწოლები ვნახე ბავშვებისთვის. კიდევ გაქვთ?
- დიახ, მობრძანდით და ნახეთ. კარგი საწოლებია, გერმანულია და ოცდაათი პროცენტი აქვს ფასდაკლება.
- მართლა? ერთი კვირის წინ ვნახე და ძალიან მომეწონა.
- იყიდეთ ახლა, კარგი ფასი აქვს. კმაყოფილი იქნებით.
- ფასიც და ხარისხიც მომწონს, ვყიდულობ.
- კარგი არჩევანია, გილოცავთ. სალაროში გადაიხადეთ, მშვიდობაში!

გაკვეთილი 11

სავარჯიშო 8 (კაცი და ქალი)

- გამარჯობათ.
- სალამო მშვიდობისა, გისმენთ!
- ღვინო მინდა ვიყიდო.
- რომელი ღვინო გნებავთ? შავი თუ თეთრი?
- ერთი ბოთლი შავი მინდა, ერთი – თეთრი.
- როგორი ღვინო მოგწონთ: მშრალი, ნახევრად მშრალი თუ ტკბილი?
- იცით, ტკბილი ღვინო არ მიყვარს, ნახევრად ტკბილი მირჩევნია.
- წითელი ღვინო გნებავთ? გვაქვს მშრალი საფერავი, ნახევრად ტკბილი უსახელაური და ხვანჭკარა.
- ძალიან კარგი, მომეცით ერთი ბოთლი ნახევრად ტკბილი უსახელაური. რომელი თეთრი ღვინო გაქვთ?
- გვაქვს მშრალი რქაწითელი, თეთრი ღვინო და ცოლიკაური.
- ვიცი, რქაწითელი კარგი ღვინოა. ცოლიკაური როგორი ღვინოა?
- ცოლიკაურიც მშვენიერი ქართული ღვინოა, ღია ოქროსფერი, სასიამოვნო მომჟავო გემოთი, ფორთოხლისა და გრეიპფრუტის არომატით.
- ალბათ კარგი ღვინოა ცოლიკაური, მაგრამ მე არ ვიცი მისი გემო.
- გინდათ გასინჯოთ? აი, ინებეთ.
- მართლაც ლამაზი ფერისაა და სასიამოვნო სურნელიც აქვს. კარგი ღვინოა. მომეცით ერთი ბოთლი რქაწითელი, ერთიც ცოლიკაური და ერთი ბოთლი უსახელაურიც.
- კარგი არჩევანია. ინებეთ.

- აი, აიღეთ ფული. დიდი მადლობა!
- ინებეთ ხურდა, გემრიელად მიირთვით და კიდევ მობრძანდით ჩვენთან!

გაკვეთილი 12

საფარჯიშო 8 (ორი ბიჭი)

- მე ვიცი, რომ ქართულ სუფრაზე მთავარი თამადაა. ჩვენს სუფრაზე თამადა ვინ იქნება?
- ბიძაჩემი დღეს ჩვენი მასპინძელია და თამადაც ის იქნება.
- კარგი თამადაა ბიძაშენი?
- ქუთაისში ცნობილი თამადაა: მხიარულია, კარგად საუბრობს და იუმორიც კარგი აქვს.
- მე ვიცი, რომ ქართულ სუფრას თავისი წესები აქვს. როგორია ეს წესები?
- ჰო, ქართულ სუფრას მართლაც აქვს წესები. მე უკვე ვიცი ეს წესები და ტრადიციები, მამაჩემიც კარგი თამადაა.
- ყველა კაცი კარგი თამადაა? ყველამ იცის სადღეგრძელოები?
- არა, ყველა კარგი თამადა არ არის. კარგმა თამადამ იცის ტრადიციული და ორიგინალური სადღეგრძელოები.
- ანა, რა არის პირველი სადღეგრძელო?
- პირველი სადღეგრძელო უფლისაა, მეორე სადღეგრძელო კი – იუბილარის ან ოჯახის.
- ყველა სადღეგრძელო იცი?
- ისე რა, თითქმის ყველა ვიცი. ხშირად ვარ ქართულ სუფრაზე.
- მერე რა სადღეგრძელოებია?
- სამშობლოს, მშობლების, დედამამიშვილების, ბებია-ბაბუის, წინაპრების, გარდაცვლილების, შემდეგ სიცოცხლის ან ბავშვების, მერე მეგობრობის, ნათესაების, სიყვარულის და ა.შ.
- ბოლო სადღეგრძელო რა არის?
- ბოლოს სვამენ ისევ ოჯახის სადღეგრძელოს.
- როგორ მინდა მეც ვისწავლო ეს სადღეგრძელოები და კარგი თამადა ვიყო.
- თუ კიდევ დიდხანს იქნები საქართველოში, კარგი თამადაც მალე იქნები.

შეამოწმეთ თქვენი ცოდნა

საფარჯიშო 6 (მონაცვლეობით ქალი და კაცი)

1. საქართველო ხილით და ბოსტნეულით მდიდარი ქვეყანაა.
2. ცოლ-ქმრის ბინა ახალ თერთმეტსართულიან სახლშია მდებარე ქართულზე.
3. ხანდახან მეგობრები ერთად ყიდულობენ კახეთში რამდენიმე ტონა ყურძენს და ერთად წურავენ ღვინოს.
4. ბანკის სათავო ოფისი ბევრ კულტურულ და მუსიკალურ ღონისძიებას მასპინძლობს.
5. გელათის აკადემია უძველესი ქართული სასწავლებელია და დაარსდა 1106 წელს.
6. ღვინის ფესტივალზე მრავალი კომპანია მონაწილეობს, ასევე ბევრია ოჯახური და მარნის ღვინოები.
7. ოჯახს ძალიან მოსწონს ღია და ნათელი ფერები და ამიტომ საძინებელი ღია ვარდისფერი უნდა იყოს.

8. აკადემიის სასწავლო პროგრამაში იყო: გეომეტრია, არითმეტიკა, მუსიკა, ფილოსოფია, გრამატიკა და ასტრონომია.
9. თანამედროვე ადამიანი მუდამ დაკავებულია და ბაზარში ხშირად ვერ დადის.
10. თი-ბი-სი ბანკის საწყისი კაპიტალი ხუთასი დოლარი იყო.